



ル 5
3142
1



門 5
號 3142
卷 1

宣

平

縣

志

光緒四年夏月
宣平縣署藏板

序

今將採石室之藏書名山之秘行
 予傳後勒為成書非大雅宏遠
 彈見治同石之以珍此若夫圖
 錄之作肇自宋初雖彈丸僻
 陋誦訓攸資將以紀風土備掌

宣平縣志
 光緒十四年
 六月二十四日
 縣署

故馬爾悅自長民者迫于簿
書視若傳舍則度闕而色
抑或為且從事掇拾蕭稂
體例未諳沿襲訛誤有子
遭子駿之厥厥者殆十不一二
馬宣平大令皮君新修邑

乘美干卷向序於余，受而
讀之，其發凡起例於舊志，每
所提正有推陷廓清之力，每
奇楚得失之機，噫，是豈似吏
之所能為乎？宣自明景泰向
析麗水北鄉界，衛鞅而邑。

之迄今四百餘年矣士性疏
確民情樸愿魁人傑士向出
案之不足充簡冊地限之如志歷
本朝凡四修而沿革慶興攷
證失實靡窮傳語古今異同
或高步反留或當書反闕稽

古之士勤所據依又况咸同之
向再經併授燿燧餘燬卷帙
滿止編纂之難更倍曠日累
君固通材也為之刪繁就簡
補軼訂譌名實不病於疏舛
分合必衷諸典要闕無稽之


說謹蓋闕之義閱歲月而書
 成文獻所係解然案然昔人
 有言范氏吳郡志康氏武功
 志竄為善本雖鴻裁環宇
 步武良難竊取斯義於是
 焉在玉刊削小序補綴韻言

則本之遷固叙錄亦略仿括
 案紀之例視彼華穠枝
 冠德為首相立什百已由是而進
 之郡為郡志進之新省為通
 志又進而上之司徒為一統志先
 河後海有志於是編必有所

取尔也蓋嘗窺其甄錄之術
 意要在崇質實斥浮夸讀
 君之書知君之治豈徒新
 焉較奇楚之得失乎哉余
 故樂為序之

光緒四年歲次戊寅六月

誥授資政大夫二品頂戴署理浙
 江溫處海防兵備道甌海關監
 督前內閣撰文中書協辦侍讀
 陽湖惲祖貽謨并書



序

從來紀載之傳有裨政治考證者莫
要於志乘宣平舊隸飛之北鄉前明
景泰中始析置縣其土田貢賦不遠
望孤十之一而石徑盤紆烟居窳落
道里則幾倍之未可以岩邑彈丸易

而忽之也舊志明以前具詳罷邑我
朝康熙間甫初成書乾嘉時續有修輯
皆散亡今惟道光志尚存全帙第其
中稽覈未精鋪張乖當率多不備不
全之憾况疊遭粵匪擾後公解之興
廢戶口之登耗風俗之醜澆物產之

豐悴復以近年水患頻仍陰陽愆伏陵
谷變遷所以防維調護賑卹撫綏之道
在宜推詳補綴倘不亟為釐訂將前
人之失莫與辨明往迹之遺誰為闡發
竊恐傳訛習陋墜緒就湮此特守土者
之責抑亦士君子所同恥也然以今日

而事編修自非識卓才優學博或未能
勝任而愉快余方切然勉纂郡志飭
各縣先以次編定而遂龍宣三邑獨
後上年丁丑春楚南皮鶴泉大令以
名孝廉來宰是邦初謁余即以志
書告皮君唯去設局籌貲與校官

都人士或任分編或司採訪或董捐輸
既各程其績業而皮君自以一手總其
成辨正體裁更定子目繁蕪者芟之
舛謬者糾之闕遺者補之疑似者存之
持論悉得乎平折衷咸歸至當越半
載而書成屬余為序余披覽一通覺

宣平縣志 卷之首 三
其隸事謹嚴詮次合法蓋深得史家三
昧洵可信今傳後矣至為政治考証豈
小補哉爰樂為敘厥篇端皆

光緒四年歲次戊寅孟陬月 穀旦

鹽運使銜知處州府事卓異候陞

元和潘紹詒芸臺撰



重修宣平縣志序

嘗讀詩至唐魏怪其地瘠薄而憂思有
先王之遺古者以為沃土不材瘠土向
義蓋當井田之世地皆中原也民皆有
恆產也其瘠者肥磽不同耳後世井田
壞溝洫毀復有山箐谿崗不毛之地瘠

者俛仰不瞻遂放肆邪侈無不為而其
沃饒之鄉乃反尚文明習禮讓於是俗
之厚薄恆視其地之貧富而瘠土向義
之說往往不驗宣平故瘠土也予丁丑
春履任道途所經歷視事聽訟所審察
蓋所見又甚於所聞逮夏水災大作民

走相告者日數百人予赴災所履勘但
見橫流汪洋山石傾陷迷於途徑行者
皆攀援大石其下水深丈數尺洶洶有
聲居民田廬禾稼皆漂沒蕩為澤國扶
老攜幼道路嗥號嗟乎此鄭監門之所
不能圖富鄭公之所不能濟也宣地皆

窮山少腴壤不可以興水利承平日久
人滿無謀生術山巔石罅皆行種殖地
力既盡則土愈薄旱潦愈甚一遇荒歉
又無有力者助行賑卹其俗雖近樸質
然亦多喬野少文教吏疲而民玩訟繁
而賦逋蓋上之教養兩窮而民亦無由

向義此今所為與古異也予其如宣邑
何哉己而奉檄重修邑志予取舊本視
之山川風土物產畧與所見相符而水
旱之異特數人物孝弟廉節者不乏而
工文辭掇科第者寥寥覽斯志亦可以
見宣邑之大概然猶憾其於應載者未


能紀實而中多浮辭不盡協於體例乃
芟其蕪雜正其舛誤稍去其泰甚者而
畧增其所未備雖見聞狹陋文獻無徵
其中訛謬相沿非敢自以為善然使後
之閱是志者考其山川物產而思所以
養考其風土人物而思所以教宣之人

亦思化其樸陋興於仁讓以追唐魏思
深憂遠之風則亦可為瘠土向義之一
助云爾蓋鳩賞授梓凡閱一歲而志成
編纂之法見於凡例茲不贅

光緒四年歲次戊寅季春月

欽加知州銜知宣平縣事善化皮樹棠

撰并書



宣平縣輿圖


宣平縣輿圖

縣境全圖

東至縉雲界七十里





界十六里





西至松陽界三十里

南至麗水界十六里



縣署圖





文廟圖





龍峰書院圖




東嶽宮圖



城隍廟圖



迎恩門




龍岡積翠



圖





山陰縣志

卷之六

圖

上




山陰縣志


卷之六


圖

下




中巖 溪





圖

雙橋渡江



宜平縣志


卷之四



經勝摩雲



橫臺墨翠





早園

一

龍巖山



白馬
超塵



宣平縣志目錄

卷首 序文 凡例 輿圖

卷一 疆域 附沿革表

卷二 山川

卷三 田賦

卷四 水利

卷五 風土 兵制

卷六 學校

卷七 職官 宦績

卷八 公署 古蹟 墳墓

卷九 祠祀 寺觀

卷十 選舉

卷十一 人物

卷十二 列女

卷十三 藝文 遺書 表 傳 敕

卷十四 藝文 碑記

卷十五 藝文 序 賦 銘 雜文

卷十六 藝文 詩

卷十七 物產

卷十八 兵戎

卷十九 災祥

卷二十 逸事 刊誤

舊序

癸巳冬余有會城之役旋栝郡道經宣平初訝其彈丸
蕞爾地何渺也繼而愛其山水明潔廻環頗安及詰朝
戒途過曳嶺回計入樊嶺來村落雞犬平曠衍夸童叟
牧樵古朴敦質宜雖割麗水之一隅哉大有桃源風味
丸泥封兩嶺恬夢而遊嬉鼓腹行歌帝力何有爲其中
之村民可扶杖聽水問壑尋邱爲其中之高隱可披緇
卧石听夕鐘魚以忘世外事爲其中之闍黎可黃冠採
藥熊經鳥伸以從事於白雪黃芽爲其中之羽士可或
尋友山外覓侶雲中載酒聽黃鸝狂歌豪吟蘧廬天地

宣平縣志 卷之四
爲其中之文雄騷客亦可總之地雖彈丸境實僊國余
初爲訝繼而愛終而喜且戀繫於懷而不忘何必以市
計何必以城名何必於仕宦問小大此真桃源余笑太
康漁人不能於此一遊也今侯令修新志成具帙來請
序閱其山川土俗一如余意中不覺呀然曰是何必取
他詞以大其說述其宣之爲宣者宣可僊可佛可高士
可文雄而宣之志已書於此矣宣真繫之余懷哉
順治乙未秋日分藩使者遼左傅夢顓謨

舊序

志有大小以邑爲第而亦不爲邑所第也閱志之手目
有詳畧以邑爲差而亦不爲邑所差也十室之邑必有
忠信况宜居萬山中翼松毗遂倚娑接衢殷殷隆隆境
幽物阜土所茁足以厚生地所集足以利用翠者山拱
擎左右足以娛目適靜澗者溪環匝前後足以傲竹椰
絲雞犬熙怡桑麻菲肥古稱有桃源之勝豈其以吾歎
余久嚮往之未遑纖攷其周畧也今年夏聞侯令有修
志役侯以崔盧遙胄識精學粹治宣之僻政簡神清於
茲役也正洽其宜爰取舊志觀之泥爛腐黑楮汨汨祇

可覆瓿顛倒舛錯緒芴芴畧無組練欲覓一舊事佳話
悉糾繆互屬令人悶悶今閱新志山川道里之詳縷如
繪矣建置之始末如織矣財賦之新舊因革如螺如指
矣其官師於茲土者靡有隻遺宦遊於他邦者無有或
棄義士孀女好施樂善之士俱煥然改觀冰鑑不遠爰
備大事地靈生竒兼諸鴻文江文通謂文章之難莫過
於志今而後益信其言爲不誣松遂諸邑固大而所大
之綱與目宜亦無異則大小非邑所能第也遂龍諸邑
之志較廣且詳而所廣詳之政蹟與紀載宜亦無異則
詳畧亦非閱志者所能差也余雖未至宜已神遊其溪
山心識其疆域曠然於桃源洞天師葛天而友無懷矣
文生於情情深於文余於侯令有默會焉
順治乙未秋日知處州府事陽城王崇銘譔

舊序

市至喧也自貿易肇於炎軒而來而往闐闐煙火嘈沓
囂呼靡不於市爲萃然惡喧者厭之思避以逃而不能
村至寂也自阡陌啓於農稷以蜡以臘雞犬寥落期老
死無往來然好寂者思之欲冀以潛身而亦不得究之
居市者珍五都集轂軫日汨汨而不辭亦不憚村者朝
蓆蓑夕芻牧日淡淡而亦不憚亦不辭何則久於市也
久於村也雖憚辭亦不能亦無用也吾於仕宦之各得
其地者亦云然有得至喧者至寂者喧者無論有寂之
一境善其身行其道馨史烈册遑遑而是况乎不厭不

宣平縣志 卷之四
憚扶性情以與幽寂侶則以武侯之澹泊明志兼南陽
之坐嘯畫諾聖賢經濟均於寂焉釣陶其全今宣處萬
山中境非至寂歟雞犬闐靜雲霞披戶固爲深山村景
雖以市名之景亦不受終日行國中不多見行踪柴扉
晝扃泉源在牖固爲深山村人雖強以市矯之人亦不
受稻香流水樹蔭佳鳥桔槔在門蓑犢在室固爲深山
村境雖強以市分之境亦不受今宣合侯仙蓓乃吾年
昆以不厭不憚之性情遇此不受之景之人之境相忘
於無何有之天民無熙攘仙蓓不以市治也地盡陵谷
仙蓓亦不以村治也以本來澹泊之志舒其畫諾之才

宜真村而太古吏真仙而世外賦課無幾不煩夜呼溪
山相簇不煩遠眺白雲入縣蒼穉多愚課學無事文翁
講武久囊卧鼓仙蓓且誦真人之古碑叩禪關之虎石
方知其不厭不憚之故而益信其爲真也村寂何損於
人而必醉之於市喧哉吾於仙蓓而觀其志於志而益
信仙蓓之真

順治乙未秋日處州府理刑官睢州趙霖吉撰

舊序

宰宣陽者六年矣宣之土地人民政事殫究悉圖雖臻
小試而欲煥然更理迄於大成則又未能余愧之然亦
有說宣固有宣之俗有宣之情有宣之氣誼余公暇取
邑志披覽而歎宣之爲宣者卽志可盡述也志首山川
宣之人不知有山川也隆焉阜而已樵則樵之淵焉溪
而已汲則汲之欲其置身邱壑沐煙浴雲無有也次建
置宣無城濠金湯可置不論縣廨僧舍也學宮道室也
間有一二俊秀執經問難以爲谷音餘則畊稼樵牧歸
業於山谷求其折角炙轂爲得人慶者則甚鮮官師固

前賢之並仕茲土棠陰口碑洽播至今此則宣人之厚道也次人物鵲揚鷗運於名場者甚少至如執德之老儒好施之耆宿血肱至孝霜節孤嫠時恆有之所謂十室之忠信未嘗無也次財賦不足敵大邑之墊費甚鮮也有國課之額書在次禋祀不及見盛時之風軌止有一二廢址在不幸而藝文疎闊潘江陸海挹注何從幸而兵戈暫靖魚火狐烽嘯聚遠遁此則宣之大槩也而宣之俗在於是宣之情在於是宣之氣誼在於是曷乎俗俗之所昵笑任之詈任之而欲奪其所懷來則宋人之寶燕石無以過也曷乎情情之所入歌於斯哭於斯

生長於斯而欲更其所好惡則遼左之矜白豕無以過也曷乎氣誼氣誼之所漸漬一言不合則詬厲隨之一事稍忤則戈矛繼之而欲矯其所過正則挾趙瑟於齊王之門歌白雪於巴人之里也故余取志而訂之刪其蕪補其缺正其固陋清其支蔓付之剞劂氏正寓志於大不得已中而於俗之所昵情之所入氣誼之所漸漬無不三致意焉蓋欲宣之父老子弟弗作文字觀也土地人民政事孰有大於此哉余六年之心於此志乎具見

順治乙未仲秋宣平縣知縣錫山侯杲撰

舊序

余不敏承志役凡三於宣且四矣松志自隆慶迄今板
泐敗無存搜取得二三事已耳修之爲時頗久而艱遂
志幸存板乃簡其目爲七又以天時地理人和分其條
貫天時有幾何而以什之一與什之三與七者侔也龍
志爲稍正但於所當載與不當載亦有遺漏與浮溢三
邑之殫精瘁神者松爲最遂次之龍又次之今宣之局
又一變宣志於修甚近丙子迄今僅二十葦耳而事則
多未備當日之秉筆王君也王君歷下人頗具筆藻遂
狎視邑乘不上宗諸史之體與郡邑志之格以已臆繫

斷緒亂條繆前後紛錯本門不志而見於他篇或記傳不存而疊以歌咏人物則男女無紀更相表章山水則峯溪無別舛相羅列俾閱之者心慵目躁彼固曾委咎曰志之不良簿書之過此則是矣又曰兼存不衫不履之意夫志有體有則有條理有例列豈可以掉臂游行之致入安絃審縵之宮余未敢心折也因訂同心紛者整之錯者正之互見者各從其類無別者各循其例而志始燦然可觀雖然余不敏何敢摘先正之疵以自顯古史體裁具在余不敢阿近而悖古也功在同盟之侯君余不敏敢實掇其咎

順治乙未秋日荆溪劫世定謨

舊序

余足跡幾半寰區而於浙之虎林一再過焉其山川之
瓌麗人物之軒渠財賦浩繁民風侈靡稔之久矣甲午
秋謁選得宣平隨有以浙賀之者曰東南名區可以成
爾廉展爾能繼有以處慰之者曰栝爲浙之殿宣爲栝
之殿是烏乎成爾廉展爾能余均不之介也襍被抵虎
林買舟錢塘溯陸而婺南向徑道不越兩晝耳余揣此
去百餘里外詎若向之慰者所云邪甫入境而山漸而
頑溪進而偪村落頽垣窮黎鵠面旋入邑而城池衢街
不及較其官廨等破寺黌宮儼郵亭廛居不滿百家闐

聞曾無幾遂轉念向之賀者憤憤也然褊壤殘區獨不可以成吾廉展吾能乎視事閱朞且再凡不便於民者纖悉除之有利於民者難大任之誅求無損諸已令申不苛於人似乎自信不惡不謂逋逃疊積一逞其頑欲蒲鞭以試弗能也土荒其業農薄於耕縱強以絃誦斥其惰游不可幾也始恍然於向之所云烏乎成吾廉展吾能者非虛語矣欲轉移而補救之其道蔑繇無已則試取其文獻足徵者採登邑乘以與爾民判曰胡昔之山川鍾靈增麗昔之人物挺節爭奇財賦急公而衣食罔缺民風振作而動止不偷豈人心風俗之沿不可以

古治治之邪端藉斯志之成庶足以家諭戶曉也爾民之覽斯志者當必惕焉警幡然興奉爲龜鑑矣用是致聲廣文章詳加參訂幸速竣事董彼剖劂以爲民勸於以砥余之廉隅而余之能事亦將畢於此焉已

康熙乙未知宣平縣事襄平張廷祐謹

舊跋

江文通謂文章莫難於志愚以爲是不難所慮者陟歷
不久見聞不真凡邑之山川風土人物故實而目眊如
而耳衰如雖挾遷固之才一無把握繪風塑影蹈空凌
虛卒不能憑臆而造是以難也宜邑析自明景泰閱百
八十年歷下王公恥庵於崇貞丙子始輯志焉王公頗
擅筆藻但局於簿書創始良難未可厚非嗣修於順治
乙未錫山侯公仙蓓延荆溪胡子世定秉筆距今三百
六十甲子周矣鋟版毀於兵燹通邑迄無藏本幸前令
香山楊公道經吳閩於殘肆售得一冊僅二百餘紙墨

涖楮零且多失簡其間繆鑿舛雜復贅漏遺訛疑衍冗
皆陟歷不久見聞不真故耳不足爲前人詬病余抵宣
逾十稔素耽奇癖一邱一壑一物一名輒畱連咨度不
忍釋十稔中與諸同人歌咏者半笑談者半胸次覺有
成竹擬訂故冊一新之梁君璣辰邑之領袖素推博洽
提綱揭目錄有成規視故冊加詳於是躬爲讎校手自
編鈔匝月之間敷衍屬草可免繆鑿舛雜之嫌適簡在
張侯履任首詢邑乘卽以是草進侯曰剗無資稍緩
以俟越期年偶檢是帙日計此不滿百緡當倡捐以成
茲舉於是復加參核復者削之漏者增之疑則釐而正
其譌冗則節而存其要因端竟委不致兩歧就簡芟繁
不容互見體裁弗使純以間襍句讀弗使瑕以掩瑜其
覲縷之疇分殊事者已槩見於茲凡而六十年內之新
增務據其實而後敢次是皆稟張侯之教集梁君之成
余固禱昧亦何與之有哉謹綴於殿以志不敏云

康熙乙未宣平縣儒學教諭富春章縉跋

舊序

周禮地官誦訓掌方志以詔觀事以知地俗此志所自肇也我

朝重熙累洽文明大備內有一統志以集天下之成外有通志以括一省之概其次羈邑亦皆有志蓋以志也者上考星分下稽疆域兼述人事星分與疆域往籍可憑也若夫人事則田賦戶口有盈絀城池公署有興廢禮祀官司兵戎選舉有增損裁畱必詳加蒐討斯能瞭如指掌至於人材之彪炳物產之孕育莫不分門別類釐然備舉而孤芳奇節足以樹軌於後世者亦皆採擇靡

遺志之體乃稱完備明景泰辛未割麗水縣北之宣慈應和懋德三鄉置邑曰宣平重岡複嶺形勝險固宣亦枯之巖邑也乾隆十六年冬余奉

簡命分巡甌括兩郡十七年夏行部入宣流覽竹客曳嶺石門諸山幽邃峭拔其間村落參差田疇高下男耕婦織樂業安居宣之民何莫非

聖天子德澤所涵濡得以宅爾宅田爾田羣游於熙皞哉迨披縣之舊乘悉屬抄綴方慮魯魚亥豕漸易傳訛迺邑令鄰水陳君銳志修輯訪耆舊之見聞嚴事蹟之浮濫疑不叅信文不過情勒成全書爲綱十一目七十有

七得卷十六請余言弁其端余惟爲宰者必舉一邑之山川文物風土人情歷歷胸有成竹然後施之政事中心肯綮今縣志告竣司此土者可以按冊講求催科何以使之不擾訟獄何以使之潛消田土何以使之盡闢學校何以使之振興一切興利除弊之治勉焉勿怠將見宣雖彈丸邑而日臻上理比戶可對他日輪軒蒞止稽諸紀傳所載更駸駸乎有進焉者如謂山林景物之美斷碣赤綠之文其後焉者也是爲之序
乾隆癸酉季夏望日溫處道朱椿譔

舊序

攷周禮宗伯之屬外史掌四方之志知昔聖人建邦出治未有不以志乘爲當務也蓋古者列國各有史以備記載史氏掌之自秦廢邦國爲郡縣制度旣更官職亦缺而記載之責遂以屬之官斯土者宣陽彈丸地耳明景泰中始置邑迨及

本朝重熙累洽久道化成百年之間戶賦之殷繁人文之鍾毓直與都會相埒邑侯陳君治事逾一載目張綱舉百廢具興案牘之下慨舊志之散失乃偕前令雷君從事纂修書成請序於余余忝守斯土志乘之事與有責

焉奚敢辭序余維作志之難也有三守空疎者考核未宏而師心自用妄而不可以信也矜淹博者折衷寡當而泛濫無歸謬而不足以傳也乃若博稽遠攬挈領提綱筆削之餘自謂得心而或體有所未協論有所不通識者竊笑之夫將以上窮天道下察地理中麗人事綜前代數千百年之典故垂後此百千萬世之觀覽非有深識積學者固不克任君以西蜀豫章蒞茲百里儒術之治旣畧見矣及斯志之作約而不漏詳而不煩採擇必精論斷必允而其中封制之沿革戶口之多寡學校之隆替人材之高下與夫政事文章之得失顯晦皆班

班可考夫乃知君非獨才優亦學邃也今

聖天子勤求民瘼問俗采風海澨山陬悉關

睿慮爰集文臣纂修一統志麟麟炳炳旣有成書矣爲民

牧者苟無以上副

宸衷曷以無慚官守余之來此歲月未久簿書期會日不遑焉顧竊常以宣志缺畧爲憾惟君慨然已任遂偕同志博徵文獻採輯成編數十年之未備一旦犁具斯固可以無負今天下道一風同之治而豈特前者不患於無傳後者不憂於無據也哉披覽之下有餘快焉故畧述著作之難與君之有功於斯邑者爲後之讀是志者

告其亦然吾言乎

乾隆癸酉正月知處州府事長白賦璉題

舊序

國家當重熙累洽之時文德誕敷聲教四訖自

京畿直省以暨梯山航海出日戴斗之區靡不詠歌至治
潤色鴻猷紀諸志乘炳炳烺烺稱極盛矣宣平爲揚州
近地枯郡屬邑按諸禹甸周疆皆列中邦土宇雖曰割
麗之三鄉渺乎小焉然自明季開設以來經我

朝生養教訓百有餘年視昔之蕩析離居於烽烟兵火之
際者何啻霄壤耶辛未夏余膺

簡命來蒞茲邑急欲得志乘所紀以前事爲後事師而吏
初則茫無以應繼復以抄傳爛紙因襲故事亦與無志

等夫志關於治大矣其上紀天道下紀地利中紀人事
士非此無以爲學農工商賈非此亦無以因時趨事而
各効其職所宜爲宣邑多士林立而科名久闕流民雜
處而富教須加安得以文獻無徵漫不加意也會
上
憲屢念文治亦以修乘檄催余緣辛未秋禾未稔賑務
方殷庶事蠲集因謀諸廣文陸君刻亭潘君柱堂並前
任雷君萬有時適寓宣共襄厥事相與撫拾舊聞採訪
遺事互爲考訂不厭諄諄始事於壬申之秋告竣於癸
酉之夏凡舊志之蔓延拖沓重衍無用者刊落殆盡而
踵事增華與夫忠孝節義堪以砥末俗振頽風者闡幽

抉顯靡不畢登今試類舉而觀之則封域肇而四山環
翠武湯松遂諸名封儼繡錯也建置定而兩鄉待澤徵
發期會所推施如臂指也學校振而文明山麓泮池鬱
蔥茂草可無悲佻達可弗慮也繼此則紀職官別治行
披荆棘而拊循愛養以休息斯民者有芳躅矣稽選舉
詳人物擢巍科而德行文學以超出羣類者胥翹楚矣
次則貢賦雖織固禹貢九等之所必及風俗雖異亦太
史陳詩之所不遺禋祀有典秩禮敦而蒸嘗備物用昭
明德之馨雜事有紀義類別而奇正互形足覘運會之
變焉至若天章煥河漢之垂人文呈經緯之麗自唐宋

以迄

盛代其爲瑰璋裔皇者夫豈以地屬彈丸至憾於言之無文耶然則宣之在今日固漸勝於開設之初而宣志之綱舉目張條分縷析亦庶幾乎樸而不陋華而不浮堪備下邑之章程而視昔爲改觀矣或有謂余者曰子之甫蒞治也卹患賑飢刻不遑暇今者汔可小休矣何不暫爲寬閑計而復皇皇於梨棗之爲余曰否否夫鑒古所以知今因人足以考己余之爲此固將以稽夫天時之早晚地利之肥磽與夫人事之經權常變而酌古準今以仰副

盛朝治益求治之至意若謂斯役也藉槩鉛之末技卽以爲報政之先資則余殊愧未遑焉維時董理剗劂兼司校讎者明經祝復禮仁山復相宋臣潘士仁邦友庠生王庠帝眷鄭勉克之皆應並列簡首云是爲序
乾隆癸酉蒲月知宣平縣事陳加儒撰

舊序

漢儒曰民函五常之性其剛柔緩急聲音不同繫水土之風謂之風好惡取舍動靜無恒隨厥情欲謂之俗古聖王勤采問焉故易著辨物居方書稱任土作貢周禮言體國經野而外史掌四方之志區其域分條其風俗此職志之所由作也宣平本麗水地前明景泰中割宣慈等三鄉設爲一邑其山川民物之美盛從可知矣志其地者亦在明之季年今已渺乎不可考我

朝

列聖相承重熙而累洽深仁厚澤周浹寰區舉凡食毛踐

土罔不沐浴

聖治俗化蒸蒸遐陬僻壤共臻一道同風之美所謂禮樂教化積久而後成者不已懿歟戊戌春季奉

命來宰斯邑省覽風土亦淵乎有瀄樸之風於焉徵文考獻稽載諸籍顧舊志記載不詳卽代有述作卷帙亦日久漫漶識者病焉由是不揣固陋商榷邑中羣士詳徵博採經四時之久聿成新志其山水鄉邑則稽之地圖鳥獸草木則驗之通志風謠人事各附其俗孝義廉節益增其舊美物貴依其本讚事宜徵乎實用昭我國家久道化成之盛亦以爲采風問俗之有所徵信焉爾

道光二十年冬月下濬知縣事湯金策撰

舊序

燦少隨侍桐淵脩聞庭訓知浙之栝蒼山則梅嶺鳳飛
 蓮峰鶴宿川則突星明瀨半月歆泉人物則尹遂劉青
 財賦則雲茶田石蓋燦祖澄齋公由祖蔭歷遷浙之探
 訪使而於栝亦舊觀察也己卯入都部掣之江喜詣祖
 故治至則峰南岫北柳浦桃潭毓秀鍾靈產珍集異益
 奉前訓為定評乙未冬尉是邑有餞燦者曰栝為浙之
 僻壤而宣又為栝之僻壤子殆有以倦是行乎燦曰否
 子未知燦之心也夫高卑位也肥瘠地也窮通時也燦
 際

聖王之世受先君教又值祖五聽之區雖微秩正宜悉心圖效敢以荒隅爲慮哉遂買棹錢江綠睦而婆越兩晝遂入境觀其鰲山遐矚樊嶺幽深宣之山也渠溪如鏡洗港流銀宣之水也花綻毫端春生卷裏宣之士也童叟風吟牧樵露唱宣之氓也粒紅禾白蓮碧笋烏宣之產也逾數日益知功業光於薰史節孝重於芷間足爲天下後世法者亦指不勝屈始慨然謂向所言者之不無過慮而竊喜燦志之別有幸也戊戌春中州湯公宰茲土燦以斯言質公公曰子猶未圖其大也古者史以勵人心志以勸善類余探邑乘散軼日久夫探風問俗發

潛闡幽守土職也可坐視其簡斷編殘哉余創翰廉子當諭都人士而贊成之燦唯唯退退而告諸人僉云此盛舉也遂相與參訂焉並各出已資以付剗厠氏夫曰觀霞城圓珠方玉境之所別也高致若松淡味如菊品之所重也青精白粲瑤蕊瓊麩物之所寶也宣之境之品之物其異是其不異是未可知而宣之自得其境其品其物者不復殷殷隆隆於楮墨間哉後之人把卷流連可以觀可以興矣是爲序

道光二十一年仲春上澣滇南楊燦撰

舊志後序

邑之有乘猶史之有志也史有三長綜覽博論斷貫攷
證精而志亦如之昔江文通有言作史之難莫難於志
余謂作志難修志亦不易宣割麗北三鄉以成邑雖渺
乎甚小當時如給事吳公待御潘公觀政俞公人女之
盛不減通都輒後登賢書者雖不及前而明經宿儒者
德懿行足以振勵末俗之儔無時不有戊戌春季余膺
簡命自濛洲來蒞茲土覺山川秀麗民情樸茂市廛貿易熙
來攘往過於濛洲視昔之廛居不滿百家闐闐曾無幾
隊不啻倍蓰及披覽志書序綱十一目七十有七卷十

有六裝訂成帖僅二百餘紙殘缺甚多揆厥由來歷年久遠鋟板半歸烏有緣典守屢易接卸循行等為故事不復有討而求之者夫一邑之志上紀天文下紀地理名勝古蹟罔不悉登其最要則忠臣孝子義夫節婦表彰潛德昭茲來許典至鉅也宣志始於明季丙子

國朝順治乙未侯公初修旋毀於兵燹香山楊公謁選得是缺道經吳閶於殘肆售得一冊據為粉本康熙乙未張公修之乾隆癸酉陳公仍張公之舊而增損之自癸酉至今八十餘年矣其中士林翹楚尙有傳聞至窮鄉僻壤式微之家雖有琦行苦節必至湮沒無傳何以敦風

俗砥士女乎特是修志之難不第難於三長也并難於採訪搜羅不及則多遺聞見不真則失實而彈丸之區更難於經費向來官斯土者有志未逮靡不因難輒止茲予首捐廉俸都人士亦各捐資以勸之於是慎選董事司出入勤採訪凡山陬水村有關風教足以振勵地方者小善必錄且於舊志增者增刪者刪補殘正訛範圍悉取法乎通志肇於春初歲於冬杪其不肯畏難而苟安者亦欲以宣邑之志舉宣民之善而教宣民之不能耳他日必有覽斯志而欣然慕勃然興人文於是乎蔚起風俗於是乎敦龐則斯舉之大有裨於宣之閭閻

民生也豈淺鮮哉因叙其緣起於簡末

昔

道光二十年歲次庚子嘉平月中澣

知宣平縣事中州湯金策撰

凡例

宣邑有志始於前明王君在鎬王志頗爲後人疵議其中得失吾不得而見之矣嗣是順治康熙乾隆道光踵事增脩有加無減屋上架屋訛以傳訛多有不應載而載者今旣重脩量加刪節事增於前文損於舊匪好紛更期歸簡易

子目煩碎志書大忌舊志綱十二目八十所標名目或非典要今更定爲目二十二可合并者合之可附見者附之庶無虛張篇目詭冒詳贍之弊

舊志每條俱有小序其實無所發明繁而無當今準史

書序錄改爲四言韻文刪去舊志小序

標目後先應有次序卷帙長短原無定規舊志次第失倫畧爲釐正選舉人物宜居風土之後田賦學校當在職官之前其有卷帙無多無可附見者亦特分一類以昭畫一

分野星辰非徒照夫百里頻宮禮樂亦不私於一邑茲於星野之說概置不錄學校興修之外惟祀典祝文姑存以備掌故其卧碑樂章皆不備載

職官一志宜更爲表舊志武職題名附之防禦之後殊非體例今並歸之職官縣令佐屬爲一表學官次之

武職又次之

舊志以古蹟墳墓寺觀紀事紀異遺書合爲一卷概題雜事殊屬不倫今將五者各分一類遺書爲數無幾附諸藝文之前

舊志謬誤之處不勝枚舉姑以疆域沿革言之戰國屬楚沿栝蒼彙紀之訛臨海東陽案先後分置之序甚至漢武紀年無黃龍乃訛載一年號晉時置郡無永甯乃妄添一郡名隋改栝州爲永嘉志失不載唐復栝州爲處州志誤其年明景泰分麗水宣慈應和二鄉及懿德北鄉之半置宣平縣今麗水尙有懿德鄉

志直云割三鄉真數典忘祖矣今考之史冊勛為浩
草表庶不為異說所惑

宣邑山陬野語言多非正音山名地名多不可解今
采訪者詢之士人舊志之誤頗得更正然猶未必全
無錯誤里俗通行之字如地名廻音字音字音字音人音名
媼字之類皆字書所無無從訂正因案牘通行仍之
以便通俗

有畚民者舊志不載邑人以爲畚字以異類目之今已
咨准考試有入學者矣案畚民以火種得名不必別
造畚字麗水青田諸志皆有考證而猶未明畚字之

所由來今更加考訂正爲畚字附風土後

名山勝地必以人傳宣邑僻處窮山名人屐齒不及卽
東巖石樓得名唐代台山榼樣雅號靈竒佳勝雖傳
品題未稱舊志所載十景八景等名多涉纖俗但其
名不典其地未必全無可稱姑仍之以俟識者之品
評焉

祠祀一志不在祀典者不應載陸清獻靈壽志不載佛
老之宮所以闕異端也舊志以各神祠附祠祀佛老
別分寺觀據實以書未爲不可但祠祀中各祠亦有
屬佛老者但無寺觀之名耳名實混淆頗難釐正仍

之而附辨之於此

宦績一門本紀德政不可濫亦不可遺也洪雲翼之生
祠至今猶存毛一鷺作碑稱其去任之日邑民泣送
有追從至婺者其遺愛在人必有實蹟謂無其實不
應生祠猶存謂有其實不應舊志不載又葛永振有
德政碑不但宦績不載職官中並遺其名今據碑記
補之崔鳴鶯霍維騰等亦據學校補入然猶未必無
遺漏也道光以後案牘無稽今所續職官表亦恐多
有漏畧

舊志選舉進士首列陳庫案建隆勅云前朝監察御史

陳庫涪化勅云周朝襲封金紫光祿大夫陳庫其非
宋進士可知但別出無可附故仍存而辨之人物梁
汝嘉梁椅王雋等亦見麗水縣志宣本麗水分邑屬
彼屬此亦無確據宋史言梁汝嘉附秦檜周必大碑
則謂阻和議主恢復頗相刺謬舊志惟載碑中政績
及栝蒼彙紀言學校事頗得存疑之旨今並仍之
善善從長功疑惟重宣邑偏隅小志人物所載無多世
代綿長無由覈其真偽今但行增續無所刪除至遇
賊逃避不及者但可云殉難似於忠義有間茲準浙
江忠義錄之例均附列忠義後亦善善從長之意

人物見存者不得入志惟貞節婦女無論存歿已否旌表但公論允協皆得入志凡守節殉難者有事實均載事實無事實附列姓名至於見聞不及採訪維艱山野之氓未必皆能自達其中疏漏知所不免

志錄詩文原資考證宜附各條之下不應別出一門舊志所載幾居一書之半徒塵簡牘何裨攷稽且其中有斷不應載者尤乖體例今擇其可附入者彙歸各條其無可附麗者或加刊落或寬取以存之蓋未能摧陷廓清亦惟去泰去甚云爾

舊志藝文首列詒敕夫敕必非常之人受非常之遇如青田劉基之明祖手敕斯可增輝志乘尋常一命何必備載以舊志相沿已久前人搜輯亦艱仍著於錄葉法善敕傳中已見今亦重載俞世美敕既非特賜亦非褒美實應刪去勉從俞氏所請過而存之舊志後又有壽序文尤非體例今刪去

志書不別立傳以人物列女所載事實卽其人之傳也舊志又別有傳與人物列女所載詳畧或異事實亦間不符甚至邑侯司訓亦爲列傳夫異地之人何與宣志卽有德政宦績中可載也今皆刪去以其德政彙歸宦績本邑之傳間存一二其餘彙歸人物列女

宣平縣志 卷之六
葉法善傳冗長幾至萬言不知所本以舊志相承姑仍之

志列碑記亦備參稽故宜附見各條斯可了然一目舊志學校寺觀等碑記既不附於各條而德政遺愛去思等碑尤乖體製今皆刪去以其事實彙歸宦績學校附學校寺觀附寺觀其冗長者稍加刪節凡脩寺觀但有碑記無名序者志有元人重修清修寺等序今彙入碑記而附辨之於此

殘碑斷碣可補史冊之遺故酈註水經多收碑碣嗣後志乘必詳金石宣爲新闢小邑古刻無多葉有道碑亦係廣本歙州碑據舊志云尙餘片石今亦無存宋元諸碑僅傳其辭而已今志不別列金石故宋元以後之碑或加刪節其前均仍著錄卽以此補金石之遺普照寺有宋碑二舊志失載元潘萊碑又誤入

本朝今皆補列於後大歷鐘欵舊志所錄不全今特全載舊志所載古近體半皆黃茅白葦難以披沙揀金甚至山川各條錄其半藝文復錄其全且有畫石畫竹等題或贈答皆異地之人於宣志全無關涉今詳加簡汰去其不足存者其餘但有刪節不敢追改以蹈妄作之譏惟失韻誤平仄者不一而足似屬刊刻之誤

宣平縣志 卷之四
未必作者本來如是間竄易一二字以存其詩古人
可作當不以爲僭也蔡希佐章侯廟排律舊志誤入
五古今更正

舊志以多爲貴買菜求益物產一卷多至四十餘紙本
應刪去惟窮山僻壤產物無多今備載其收采之法
種殖之方及其施用所宜亦於貧民生計不無小補
較之無謂詩文猶爲彼善於此故畧爲刪雜存之
宣邑兵亂唐以前荒遠無徵自唐至德二年袁晁寇浙
東鄉人登東巖避難有赤石樓隱難記後逮宋元屢
經寇亂而舊志紀事乃始於明唐宋元俱不載今據

隱難記裡德碑補入袁晁亂在至德上元之間隱難
記云開元乾元皆誤景泰平亂枯蒼彙紀所載與明
史不符明史亦多異同舊志蓋據彙紀今仍之

春秋之法傳聞異辭間有存疑豈皆徵信舊志所載三
元真君爲周厲王諫臣梁村爲漢梁太傅後傳有漢
帝敕書事屬子虛何從證據亦猶葉法善之仙蹟李
北海之魂書存之以廣異聞云爾

龍門修史已閱再傳蘭臺著書迭經兩代所聞多則事
核爲日久則義精今期會旣迫文獻無徵三豕多訛
一鴟莫借志中所載遺書著作均未得見舊志之外

無可搜采故刪者十三四新增不過十二又兵燹之後案卷無存四十餘年事蹟內多闕遺無從增續體例謹嚴則文法必簡畧宣志若準以定例去其煩文則矍相觀射將僅有存者矣且沿習既久盡去爲難新增又無所徵不得不多存舊作且有明知其濫已去之而復存者雖畧關榛蕪未能盡刪荆棘沿訛襲謬知所不免

纂輯舊聞先民有作輕翻成案古人所訶然歐陽之脩唐書多刪原本郭象之注莊子間削繁文作非聖賢何嫌更改舊志筆墨蕪累冗雜無章旣覺前非自不能仍舊貫如曰刪除未盡咎所不辭倘疑刊削過多誠非所識

志乘之體有同史冊當紀實事無取浮言若無而爲有虛而爲盈雖藻悅之極工終漏卮之無當况宣新造小邑僻處窮山縱極鋪張羌無故實而於貧瘠景象反屬闕如有乖紀實之意今過飾者稍加更正而原闕者無徵不信終未能自我作故據事直書也

舊志後有刊誤一條而舊志之誤甚夥今仍其例將所刊之誤亦列於後然校誤字如掃落葉未必全無甚至有知其誤而無可稽考者恐後之視今猶今之視

宣平縣志
卷之四
昔也

宣平縣志

督修

欽加二品銜分巡溫處海防兵備道兼管水利事務加六級紀錄十二次 方鼎銳

欽命二品頂戴按察使銜署理浙江分巡溫處海防兵備道 惲祖貽

監修

欽加鹽運使銜處州府知府加三級卓異候陞紀錄十二次 潘紹詒

主修

欽加知州銜特授宣平縣知縣加六級紀錄十二次隨帶加二級 皮樹棠

協修

宣平縣儒學教諭 向樹南

宣平縣儒學訓導 王耿光

督梓

宣平縣典史 朱承鈞

總纂

拔貢生候選教諭 皮錫瑞

董理分纂

祝鳳梧 拔貢候選教諭

潘澤鴻 廩生

勸捐採訪

祝鳳樓 歲貢試用訓導

沈獻璋 廩生

沈澄川 廩生

俞廷超 廩貢

俞文琰 廩貢候選訓導

鄭維祺 歲貢

李啟志 例貢

陳嘉榜 監生

潘其清 附貢

潘文江 廩生

潘榮懷 增貢

陳以忠 增生

鄭信原 武生

林保祥 監生

孫鼎祐 監生

涂廷材 武生

涂明良 增生

李文英 附貢

梁品芳 廩生

周國錢 廩貢

鄭培梧 附生

蔡錫申 廩生

陳啟圖 歲貢

曾成忠 附生

錢成鶴 廩生

朱鳳林 附生

鮑振家 例貢

陶明章 監生

韓作霖 廩生

鄭樹標 武舉

王錦瑞 附生



修舊志姓氏

明

崇禎九年丙子主修知縣王在鎬

國朝

順治十三年乙未監修知府王崇銘

主修知縣侯 杲 纂修胡世定

康熙五十四年乙未主修知縣張廷祐

纂修教諭章 縉 協修梁祚璿

乾隆十八年癸酉監修知府賦 璉

主修知縣陳加儒 同修原任知縣雷仁育

協修教諭陸獻猷

訓導潘毓楠

董修貢生祝復禮

潘士仁

祝復相

增生王庠

廩生鄭勉

督梓貢生鄭廷相

陶國器

王天祿

潘士珍

監生梁泰牲

廩生鄭瞿大

祝呈瑚

梁大欽

生員鄭瑞河

俞其璿

吳永元

道光二十年庚子鑒定知府恒奎

主修知縣湯金策

協修教諭陸武曾

項秉謙

訓導李

榮

纂修俞宗煥

拔貢生候選教諭

董理俞志俊

廩貢生

俞文榮

監生

俞鳳鳴

拔貢生候選教諭

鄭懷賢

職員

潘德懷

歲貢生候選訓導

潘國雲

職員

潘忠精

職員

參校劉正路

庠生

鄭成賢

庠生

採訪陶濬龍

廩貢生

趙宜民

監生

鮑文銓

廩生

沈潮

附貢生

蔡維忠

廩生

陳啟暄

監生

梁儒珍

監生

王政

郡庠生

宣平縣志卷之一
監梓典史楊燦

梁儒風
監生

宣平縣志卷之一

輿地

宣邑蕞爾前明所分控引婺枯襟帶松雲環山爲垣
樹柵作門案其圖記周知廣輪述輿地志

疆域

舊浙江通志宣平縣在府治西北一百二十里東西廣
一百六十里南北袤一百四十里
東距麗水七十里戴弄朱弄分界自戴弄至縉雲縣七
十里

南距麗水六十里槁嶺木杓壇分界自槁嶺至麗水縣

六十里

西距松陽三十里竹客嶺上分界自竹客嶺至松陽縣三十里

北距武義六十里大后陶小后陶分界自大后陶至武義縣四十里

東南距麗水七十里新嶺脚俞村分界自新嶺至麗水縣四十里

西南距松陽六十里白岸口桐郎分界自白岸口至雲和縣百二十里

東北距武義六十里小妃嶺下湯分界自小妃至武義

縣五十里

西北距遂昌六十里和尚田分界自和尚田至遂昌縣八十里

通志自宣平縣至省六百六十里至京四千八百八十里

隅都計三隅三鄉十二都

三鄉宣邑舊名也建邑後分邑之左右密邇者為三隅村落星散者為十二都居民相浴既久稱為上下鄉而三鄉之名若罔聞者今於三隅後仍列三鄉舊名十二都分屬於後庶原委并

井不至紕謬而失其緒焉

東隅二圖

東隅一 縣前坊 何陽隴 黃家灘

東隅二 縣後坊 鄭草弄 下坎

西隅二圖

西隅一 太平坊 曹門 吳上坎 金山尖

西隅二 荷葉山頭 天倉背 王大市 陶大坎

前隅二圖

前隅一 祝村 麻滌 霞青 下黃源

前隅二 前灣 後坪山 水壇

一都四圖

一都一 壺源 下塘 馬口 烏壇下 李樟後

一都二 湯城 丁鳥 江坑 上黃 李村 烏壇

一都三 鄭廻 午嶺 丁頭 龍門洞 青坑 嶺脚 烏溪源

一都四 後塘廻 周處 觀後 坳塘 大合 蝦蟆嶺 大坑

一都四 雪坑 河間 何洋 何嶺頭 大溪口

一都四 章五里 溪口 下田 上田 東坑 四百田

二都二圖

二都一 岡山 章岸 下蔣 前吳 松溪 洋子里
 順源 徐源 齊腰 章子源 湯山 楓樹塘
 二都二 金村 湖石下 千稱塢 十三坵 龍潭背
 下昌坑 上齊坑 陳坑 備子源 大墓口
 溪口 上隴源 白巖缸 鋪頭 荷樣大溪灘
 新田畝 月松庵 後潘 葉昌岡 山後坑

三都三圖

三都一 三港 鄭岸 洪潭 會公 大溪口 嶺脚
 巴背山 潘山頭 外潘 內圩 山下鮑
 楓坑 水步弄 鮑山頭 楓樹壇 孟姜源
 後源 黃山 人坑 耕根 金山前
 三都二 竹客 萊川湖 石門 洲 黃絲 西舒
 周源 塘後 葉宅 東社 高坑 葉坑
 石浦 遮坑 金竹塢 東社 高坑 葉坑
 三都三 張大山 周山頭 毛竹坑 石牛山

四都三圖

四都一 西塘 湯弄 後茶園 大路山 金鈞鈞
 洪塘源 下河畝 黃碧坑 大樹頭 長岡

四都二 楊柳源 翁村 天堂嶺 西塢
 性定 潘家里 泉畝
 陶村 東隴 東隴源 壇頭舒 華山
 破田坑 烏石後 山徐 洋山 內陳

四都三 頂灣 澤村 張隴源
 紫坑 下庫 山珠
 後溪 塘頭 潘家洋

五都三圖

五都一 黃家里 白巖 陳村 上坦嶺頭 南園軟橋
 麻坎嶺 壇背 下章江 望黃干山 陳垵鐘蓬
 五都二 會溪 上坦 趙村 上周 安村 黃家坑
 坑下 白水坑 塘齊 葉坑 塘迪 黃廸
 五都三 樊嶺脚 小源口 濫塘源 西畝

六都三圖

六都一 山坑口 上陳 葉山頭 上方 內山坑
 麻山頭 鐵鋪 東衢 板坑 龔山

都圖

四

金巖村 大坵 朱坑 茶坑 雙水 陶基 丙柘坑

六都二 後湯 安鳳 五大嶺 陳街 陶基 麻弄源

六都三 大萊 小妃 礦洪 三處畷 麻弄源 內柘坑

七都一圖

俞源 九龍山 嘯雲 小同 八百 山後坑

吳宅 後陶 後陳 吳坑

八都二圖

曳嶺頭 溪上畷 老鼠窠 車昌 柏樹

竹翠 高水 五福 茅弄 陳常弄

八都一 石積墓 水頭 陶舒 吳坑

九都二圖

八都二 陶舒嶺脚 油坑嶺頭

八都一 小陶村 上隴坑 水碓坑 橫塘 新屋 黃注

山背 下趙 沙溪 高畔 九岱嶺 麻舖

十都一圖

九都二 老竹 俞店 仁宅 前陶

十一都二圖

九都一 瓦窰 烏壇 木嶺頭 牛寨

十都一 周坦 金弄 樹坑口 樹坑源

十一都一 黃弄 張邊 亭樹 咸宜

十二都一圖

十一都二 柳坑 西坑 馬村 嶺前 長山頭

白岸口 白壇下 外洋 嶺前 長山頭

嶺後 鄭後山 五尺口 五尺坑 前占

赤嶽 過山後

十二都一

渠溪 劉畝 龍門坑 富山頭 富村畝
進橫斜 布蓋 溪上 雙坑口 裏坑口

湯山 下張 樣後 寺下 坑裏
戴弄 橫岡 高田 白水 河澗

城池

舊志宣邑本村落署之西偏為巡司舊址分邑後瞻巒帶水理經尋絡苟簡為治烏能城然楮之大邑且十無其九况區區新造之宣哉

按宣本無城康熙十四年閩寇燬郭內室廬殆盡鎮守參將王有成拾取零甓環為堵牆四門以木柵之今廢康熙五十五年春邑令張廷祐因民居稀少倉庫逼於東偏宜加捍衛廼課民種柳以環之留四門通出

入俟三年後柳自成圍亦思患豫防之意今柳亦久

殘缺矣記見藝文

關門四

東曰麗春

南曰迎恩

西曰太平

北曰拱辰

附沿革表

處郡揚州要服乃古甌地山海經甌居海中郭璞注今臨海永甯縣即今處州地也國語句踐之地南至

於句無是句無以南仍為甌地其後或并於越史記
 楚敗越取吳故地至浙江越以此散諸族子爭立或
 為王或為君濱於江南海上正義曰江南海上今台
 州臨海縣是也凌稚隆曰江南浙江之南台温等州
 是也雖服朝於楚地仍屬越括蒼彙紀有越亡入楚
 之文以全浙大勢言之未為不可施於處郡斯為謬
 矣即秦平百越以其地為閩中而越人反復致勞戍
 守蓋雖廢其君長未能盡取其地故有無諸搖復興
 之事田蚡曰自秦時棄弗屬是并未嘗盡入秦也今
 列表自秦置郡縣始而附辨之並列舊志之誤於後

世次

秦 始皇二十五年

漢 惠帝三年

昭帝始元二年

縣

郡國

州省

閩中郡 案史記秦并天下以其地為閩中郡而漢志有會稽無閩中故元和郡縣志以下諸書皆誤云處州屬會稽

東甌國 史記立為東海王都東甌世俗號為東甌王

會稽郡 治吳縣

揚州刺史部

宣平縣志

卷之一

世次

七

有台温處三郡地

東部都尉元
中立治鄞後
徙回浦

無常治所

後章帝章
漢和元年

章安縣後漢書注晉太

會稽郡

揚州刺史部

康記曰本鄞縣南之回浦鄉章帝章和元年立

東部都尉章治

治歷陽今和州

順帝永
和三年

永寧縣郡國志永寧縣

會稽郡永建四年移治

和三年以章安縣東甌鄉為縣案兼有温處二府地

山陰

獻帝興
平二年

松陽縣孫策分

三國少帝太
吳平二年

臨海郡以三國志揚州治建業今江甯

晉明帝太
寧元年

永嘉郡治章安揚州道治建業

嘉泰會稽志謂
晉永嘉乃今處
州恐因隋置永
嘉郡於梧州而
世次

東部為臨海郡
治章安今台州
晉書地理志孫
皓分會稽立東
陽郡舊志乃云
初屬東陽後分
東陽置臨海屬
臨海郡不知置
臨海在東陽
在後處州自屬
臨海並與東陽
無涉也

| | | | | | |
|--------|--------|--------|--------|--------|--------|
| 宋 | 齊 | 梁 | 陳 | 隋 | 唐 |
| 孝武建元三年 | 武帝普通五年 | 敬帝太平元年 | 文帝開皇九年 | 文帝開皇十年 | 高祖武德四年 |
| 大明三年 | 武帝普通五年 | 敬帝太平元年 | 文帝開皇九年 | 文帝開皇十年 | 高祖武德四年 |
| 東揚州 | 揚州 | 東揚州 | 揚州 | 揚州 | 麗水縣 |
| 治會稽 | 治會稽 | 治會稽 | 治會稽 | 治會稽 | 麗水縣 |
| 東揚州 | 揚州 | 東揚州 | 揚州 | 揚州 | 麗水縣 |
| 治會稽 | 治會稽 | 治會稽 | 治會稽 | 治會稽 | 麗水縣 |
| 東揚州 | 揚州 | 東揚州 | 揚州 | 揚州 | 麗水縣 |
| 治會稽 | 治會稽 | 治會稽 | 治會稽 | 治會稽 | 麗水縣 |
| 東揚州 | 揚州 | 東揚州 | 揚州 | 揚州 | 麗水縣 |
| 治會稽 | 治會稽 | 治會稽 | 治會稽 | 治會稽 | 麗水縣 |

誤舊志云改永
嘉為永寧屬永
寧郡不知永寧
縣名也永嘉未
嘗改蓋永嘉先
治章安後改治
永寧志遂誤以
為改永嘉為永
寧郡耳

| | | | | | |
|--------|--------|--------|--------|--------|--------|
| 唐 | 隋 | 陳 | 梁 | 齊 | 宋 |
| 高祖武德四年 | 文帝開皇九年 | 文帝開皇十年 | 文帝開皇十年 | 文帝開皇十年 | 文帝開皇十年 |
| 高祖武德四年 | 文帝開皇九年 | 文帝開皇十年 | 文帝開皇十年 | 文帝開皇十年 | 文帝開皇十年 |
| 麗水縣 | 枯蒼縣 | 枯蒼縣 | 枯蒼縣 | 枯蒼縣 | 枯蒼縣 |
| 麗水縣 | 枯蒼縣 | 枯蒼縣 | 枯蒼縣 | 枯蒼縣 | 枯蒼縣 |
| 麗水縣 | 枯蒼縣 | 枯蒼縣 | 枯蒼縣 | 枯蒼縣 | 枯蒼縣 |
| 麗水縣 | 枯蒼縣 | 枯蒼縣 | 枯蒼縣 | 枯蒼縣 | 枯蒼縣 |
| 麗水縣 | 枯蒼縣 | 枯蒼縣 | 枯蒼縣 | 枯蒼縣 | 枯蒼縣 |
| 麗水縣 | 枯蒼縣 | 枯蒼縣 | 枯蒼縣 | 枯蒼縣 | 枯蒼縣 |
| 麗水縣 | 枯蒼縣 | 枯蒼縣 | 枯蒼縣 | 枯蒼縣 | 枯蒼縣 |

處州 治枯蒼今
處州府治

永嘉郡 仍治枯
蒼統縣四枯蒼
永嘉松陽臨海
兼有今台溫處
三府地

枯州 永嘉改

東揚州 治會稽

吳州總管府

治會稽 總管府

總管府 治枯

都督府 總管

江南道 治蘇

越州都督府

世次

年
洪武九

景帝景
泰三年

宣平縣分麗水
兵部侍郎孫原
貞討平寇亂因
地曠不便彈壓
請以麗水宣慈
應和二鄉及懿
德之北鄉分置
宣平縣名勝志
以勦平宣寇為
名治在鼇山之
南舊志云割麗

日處州府考己
亥為元順帝至
正十九年亦見
明大政記

浙江布政使
司治杭州

國朝

水三鄉誤

宣平縣

處州府

浙江布政使
司治杭州

